

皇明實錄


三百三之七



內閣文庫			
三九	二九	特	漢
五	九	別	書
五	一	冊	類

內閣文庫			
番號	漢	2199	
冊數	501	(201)	
函號	39	1	

九十一



大明英宗法天立道仁明誠敬昭文憲武至德廣孝
睿皇帝實錄卷之三百三

後首正史庫

監修官奉天翊衛推誠宣力武臣特進光祿大夫

柱國少保會昌侯臣孫繼宗

總裁官資政大夫正治上卿禮部尚書兼翰林院

學士臣陳文資政大夫兵部尚書兼翰林院學士

臣彭時副總裁官中憲大夫太常寺少卿兼

翰林院侍讀學士臣劉定之中順大夫太常寺

少卿兼翰林院侍讀學士臣吳節等奉

勅修



天順三年五月壬午朔陞翰林院編修馬昂為雲南布政司左叅議檢討傅宗為右叅議五經博士鮑相為福建都轉運鹽使司同知典籍李鑑吳衡徐似為府同知孔目宋敏為府通判先是李士陳循等於景泰間奉昇等在翰林春坊皆非進士出身率昏鈍庸鄙至是

上欲重修通志召內閣臣李賢謂曰此書工夫不多惟欲加精尔可擇進士出身者修之賢言不係進士出身者文李雖非所長然有各才幹可用宜命吏部授以有司之職

上從之故有是命 甲辰禁各處商旅毋得携違禁貨物深入各處夷地因四川土官把事劉華嚴奴奏其引惹夷寇貽患邊方故也 乙酉巡按浙江監察御史閻彛及三司等官奏李校所以養賢試場所以選士不可不置得其地切見浙江仁和縣李鄰按察司獄生員出入往來與囚徒混淆甚非養賢之所浙江試場連杭州府李士子赴科累有夤緣作弊亦非取士之地臣等請徙浙江試場於城東廢倉隙地改曰試場為仁和縣儒李庶各得其宜從之 丙戌端午節賜文武百官扇及宴

潘世子幼墀奏凡遇春秋祭祀缺樂舞生供用上
命禮部轉行山西布政司於所屬州縣宮觀有度
牒道士道童及考退增廣生員內選與之 丁亥
賜楚府崇陽莊僖王第三子名曰均鎰韓府鎮國
將軍範埏嫡子名曰徵鏞 勅鎮守大同太監陳
瑄因爾處奏報声息已勅宣府提兵楊能等帥師
赴大同與爾等并力勦效又命都督顏彪領京赴
鴈門關為爾声援爾在彼守城宜謹烽燧偵謀務
令計出萬全以寧邊防 命刑部山西司署員外
郎事主事程宗河南司署員外郎事主事王佐俱

授本司郎中陞戶部四川司主事白瓊兵部車駕
司主事謝壞俱為本司員外郎刑部江西司主事
卓天錫署本司員外郎事南京戶部陝西司主事
吳琛署本部廣東司員外郎事湖廣司主事楊璉
署福建司員外郎事南京刑部陝西司主事孫紀
署本部浙江司員外郎事 陞山西布政司左叅
議魏琳為本司左叅政大理寺右評事沈靖為湖
廣按察司僉事南京戶部山西司郎中丁震為雲
南大理府知府俱以任滿九載也 陞勇士都指
揮使馬良為都督僉事都指揮同知張旺為都指

揮使都指揮僉事白玉李玉為都指揮同知指揮使劉海把禿兒為都指揮僉事 戊子前軍都督僉事顏彪奏臣奉命帥軍士赴山西鴈門關勦賊軍士艰难乞加賞賜戶部議去年赴陝西軍士皆賞銀一兩今赴山西者道近宜損半給之

上曰軍士欲其出死力以禦寇衛民若計道里遠近而增損之非所以齊其心志矣其給之如例 庚寅朝鮮國王李璵遣陪臣康純等雲南里麻長官司招剛刀令怕等烏思藏等處番僧桑加藏卜等湖廣施州衛唐崖長官司等衙門遣把事黃思銘

等陝西岷州衛大崇教寺國師鎖南領占遣刺麻著亂領占等貢馬及方物賜宴并綵段等物有差 太僕寺丞張瑛取勘東昌府未領馬人丁造冊違限刑部鞠瑛當贖杖還賊從之 設順天府霸州苑家口巡檢司置巡檢一員 夜月掩平道西星 壬辰勅趙王祁鏞曰先因爾奏為長史等官脫罪舞弄虛文已有勅去切責何乃復引總兵并都司等衙門事例務要脫免長史之罪全無忌憚如此且爾居親藩宜一心上輔朝廷今朝廷欲正長史之罪尔乃徧徇私情必欲脫免是使朝廷之法不行也

但知有長史而不知有國法豈藩輔之道哉詳爾
所為必有下人撥置已令巡按御史挨拿撥置寫
本之人解京問罪以示懲戒其長史等官照前發
落勅至尔宜謹省改過恪遵禮法無昧於大体而
專事姑息若仍蹈前失

祖宗之法具在朕不敢私 命給岐陽王濼塿歲祿
一千石本色折鈔色中半兼支 癸巳

仁宗昭皇帝忌辰遣官祭

獻陵 安鄉伯張寧誣奏人占種田地法司請訊其
罪詔宥之 甲午保安王公鍊奏故藍田縣王墳

瑩顏圮乞將儀賓徐榮折色俸祿增改本色以為
修理之資下戶部議以無例難准從之 乙未遼
府輔國將軍豪訂奏弟奉國中尉豪塚豪塔俱已
授職缺從人用

上命都察院轉行湖廣布按二司於見問罪人內照
例撥與之 命陣亡都司浙江署都指揮僉事崔
源子胤齠為都指揮僉事仍於本司帶俸 南京
守備魏國公徐承宗太監周禮等奏南京安插夷
人數多都督僉事高通獨員管束不及訪得南京
右府都督同知吳良老成練達曉暗夷語乞令良

與通同管夷人事下兵部尚書馬昂等言承宗等
自守備以來惟務苟安度日不能振作紀綱縱使
高通不能鈴束夷人自當奏請處分今却專核保
良非惟附下沽名抑且罔上市恩乞將承宗等執
赴京師治罪別選才德出衆內外重臣前去守備
上曰朝廷倚任承宗守備乃敢徇私扶同妄荐匪人
論法本當治罪姑從寬宥令各具實以聞 丙申
工部奏近聞易州山廠各處採運柴炭夫有帶領
弟姪僨買或賈鹽米布絹為衣食計者多被附近
州縣無賴之徒百計欺騙不得輒陷之於罪致人

民逃竄柴炭負欠請命都察院給榜禁約從之
申時日生暈上有背氣一道隨生左右珥各色淡
背氣先散暈珥至酉時雲遮 丁酉日生左右珥
色黃赤 戊戌勅總兵官高陽伯李文武強伯楊
能近聞韃賊擁衆住近我邊民不得耕作牧放尔
等各領士馬在被糧草有限恐不得持久有何長
策可以退賊勅至其會議以聞 己亥巡撫甘肅
都察院右副都御史芮劉奏鎮番涼州莊浪永昌
古浪等衛所屢被韃賊抄掠食踐田禾軍士飢窘
已移文管糧布政司右叅議柳榮驗口發倉賑濟

及預支原備糴糧官銀六百餘兩給借屯田軍士俟秋成依時價納米麥贖官從之 庚子勅鎮守廣東廣西左少監阮能朱祥總兵官左都督劉深副總兵都督同知歐信等今廣西涿賊越過廣東攻圍肇慶等處州縣劫掠鄉村為患不已勅至尔等宜會合計議督調各處守備官軍土兵民壯人等刻期勦賊務在同心協力運謀設策或搗其巢穴或攻其要害殄滅無遺以靖地方其領軍官敢有畏縮誤事失机者聽巡指右僉都御史葉盛指實具奏以憑究治尔等慎之 鴻臚寺右少卿趙

璫躬殿皂隸因殿同僚右少卿楊宣牙牌又匿實情妄奏求釋法司坐璫贖杖還職

上僉贖畢調山西平陽府霍州知州 辛丑書復珉王徽燥曰承喻以明年適當朝覲之期屬有專恙欲令世子代出足見愛敬之意然道途遙遠來甚艱善宜留侍湯藥不必遣來 巡按河南監察御史邢宥奏河南衛都指揮僉事陳昇先用白金百兩賂兵部尚書陳汝言得掌都司事率兵操備大同比汝言下獄事連昇論罪當贖徒還職

上曰昇姦詐若此不可以常律處調威遠衛帶俸差

操壬寅朝鮮國王李璵遣陪臣曹錫門等建州
左等衛都督董山等貢馬及方物賜宴并綵幣等
物有差 勅戈陽王真璫曰近得鎮守江西太監
葉達及江西三司奏稱王將藥四包銀二兩四錢
逼令本府典膳鄭崇毒死內使呂信鞏喜榮恐累
及身家將情并銀藥首發在官且王為朝廷宗室
正宜恪遵

祖訓循理守法以保名爵如何起此惡念用藥毒人
况彼二人皆朝廷撥遣果有罪狀亦當奏聞處治
豈可陰謀毒害存心如此甚非其當教授顧宣不

能輔導規諫闕者陳慶重不當阿諛順從另行懲
治敕至王即改過自省今後務須謹守禮法敦行
善道以全令名如或仍蹈前愆國法具在朕不敢
私王其戒之慎之 直隸河間真定大名廣平山
東濟南東昌諸府各奏所屬自春歷夏不雨田禾
枯槁今年稅糧恐無所出 命給山東任坐轡官阿討刺
等俸祿五品以上支米三分六品以下支四分不
為例從阿討刺等奏請也 命戶部撥直隸真定
府饒陽縣地五十頃與廣義伯吳琮家耕種如例

起科徒琮奏請也。命給銀八千四百兩絹三百九十七匹布七千七百一十六疋賞彰武伯楊信所率官軍以其高家堡等處殺獲韃賊有功也。癸卯守備遼東寧遠衛左副總兵東寧伯焦禮奏協副都指揮僉事鄧鋒恣意妄為借分欺侮乞調臣別方或調鋒別用仍選能者同臣管事事下兵部尚書馬昂等言頃因禮年老命鋒協同守備今甫及三月而禮輒要更改分調緣禮及守備義州懷傑伯施聚俱年垂八十老耄無為乞俱取回京優老另選謀智武臣往代其事仍令遼東總兵等

官廉鐸欺侮事情以聞

上曰邊將須用老成者禮聚仍舊守備鐸事情令錦衣衛遣官從實廉察來處置已而所遣百戶蔡英奏禮鐸實不和

上令鐸仍舊守備操守遣都指揮僉事張俊往代之。昏刻火星犯太微垣右執法星。丙午復除工部都水司主事任榮於戶部廣東司戶部山東司主事田厚於本部四川司兵部武選司主事徐覲仍舊任以親喪服闋也。擢進士劉澄為戶部河南司主事。南京工部右侍郎龍文卒。文字士郁

江西泰和縣人由進士任中書舍人歷吏部文選
員外郎郎中在賊謙謹亦頗有能聲天順改元以
賂權貴得陞侍郎為時論所鄙丁未命故武定
侯郭英曾孫昌巖封武定侯英諸孫爭巖侯爵年
久至是以詔例始命昌巖之孫復江西指州府金
谿縣知縣吳禎為監察御史禎巡按廣西坐違制
調任廣西都布按三司交章薦其才

上召禎還京復賊仍賜勅往廣西協贊都督劉深勦
賊一戊申命故金吾右衛帶俸都指揮僉事康鑑
子勇襲為指揮使仍於本衛帶俸中軍都督府都

劉督同知郭震子鑑襲為彭城衛指揮使兵部奏
建州右衛都指揮僉事李幹黑奏振都督古納哈
董山私通高麗朝廷既命總兵等官廣察得實又
遣勅戒諭而古納哈等赴京服罪矣錄幹黑忠誠
可嘉請量給賞賜

上從之賞幹黑錄段三表裏絹一疋令遼東都司遣
人賫與之賜錦衣衛官軍李鑑等銀兩紵絲絹
布等物有差以隨定遠伯石彪大同等處殺賊功
也己酉賜周府鎮國將軍子煥子珂子埜子切
及遂平王子塢長子同錕夫人梁氏誥命別服等

物
上召內閣臣李賢問迎復事賢曰當時亦有邀臣與
謀者臣以為不可不敢從
上問何為不可賢曰天位乃
陛下所固有者若景泰不起文武百官表請
陛下復位何用如此勞攘此輩其實貪富貴非為
社稷計彼時若景泰先薨石亨輩何足惜不審
陛下何以自解幸而事成此輩得以貪天之功天下
人心所以歸向
陛下者以正統十數年間凡事減省與民休息之所

結也今為此輩損大半矣

上深以為然 庚戌都督僉事周賢子玉奏父奮勇
殺殘乞加陞爵兵部言賢由指揮使歷陞都督其
子於原職職進一級爵都指揮僉事

上曰賢死於鋒鏑可憫命玉為萬全都司都指揮同
知仍依例賞其家銀七兩綵段三表裏七夜曉刻
金星犯畢宿 南京國子監祭酒陳敬宗尊敬宗
字光世浙江慈谿縣人永樂甲申進士入翰林為
庶吉士與修永樂大典授刑部主事改翰林院侍

講預修北京誌書宣德初預修

兩朝實錄為禮部會試考官尋陞南京國子司業九年秋滿陞祭酒在任又十五縣屢抗章乞歸不允景泰初致仕還家至是卒壽八十三訃聞遣官諭祭敬宗敏祭能文善草書儀規甚偉美鬚髯見者踈敬性嚴重終日端坐不妄出一語動止有常度飲酒至百杯亦不乱其季規肅整請謁不行諸生進退步履無敢違者每會饌有失儀者即自請罪登顯妻來見者猶執諸生禮然性頗殘忍於諸生尤少恩云

大明英宗法天立道仁明誠敬昭文憲武至德廣孝
睿皇帝實錄卷之三百三

卷之三百四
睿皇帝實錄卷之三百四

大明英宗法天立道仁明誠敬昭文憲武至德廣孝
睿皇帝實錄卷之三百四
監修官奉天翊衛推誠宣力武臣特進光祿大夫
柱國少保會昌侯臣孫繼宗
總裁官資政大夫正治上卿禮部尚書兼翰林院
學士臣陳文資政大夫兵部尚書兼翰林院學
士臣彭時副總裁官中憲大夫太常寺少卿
兼翰林院侍讀學士臣劉定之中順大夫太常
寺少卿兼翰林院侍讀學士臣吳節等奉
勅修

大明英宗法天立道仁明誠敬昭文憲武至德廣孝
睿皇帝實錄卷之三百四

監修官奉天翊衛推誠宣力武臣特進光祿大夫
柱國少保會昌侯臣孫繼宗

總裁官資政大夫正治上卿禮部尚書兼翰林院

學士臣陳文資政大夫兵部尚書兼翰林院學

士臣彭時副總裁官中憲大夫太常寺少卿

兼翰林院侍讀學士臣劉定之中順大夫太常

寺少卿兼翰林院侍讀學士臣吳節等奉

勅修

天順三年六月辛亥朔建州左衛右都督董山建
 州衛都督同知李古納哈建州右衛都督同知納
 郎哈三人俱奏乞遷職事下兵部尚書馬昂等言
 董山李古納哈世受朝廷厚恩不思報乘間潛
 受朝鮮國官賤賞賜今不加誅幸矣乃又恣無厭
 之求希意外之恩不宜允惟納郎哈不受朝鮮賞
 賚忠誠可加宜量加一賤
 上從之陞納郎哈為右都督 壬子命故寧國大長
 春公主駙馬都尉梅殷曾孫俊入國子監讀書從俊
 奏請也 癸丑命給周府鎮國將軍子垣子珂子

埭子切歲祿各一千石從周王請也 復除江西
 按察司僉事王鼎於廣東按察使以親喪服闋也
 陞中書舍人任道遜凌敏汪景昂為尚書司丞仍
 於文華殿書辦趙濟嚴璟干信為太僕寺丞璟信
 仍於御用監書办俱已任滿九載也擢進士許聰
 為刑部江西司主事韋嵩為四川司主事 甲寅
 賜宣寧王第三子名曰仕堦第四子曰仕堦安化
 王長子名曰寘鏞第二子曰寘鏞 河南封丘縣
 為事知縣陳善奏按察使王槩縱姪於所部郡邑
 需索貲物擅宿分司私用脚力比臣械至按察司

欽令逃避却加罪於解人布政使豐慶受已黜生
員周倫賂欲令叅吏臣不從後因臣疾密令縣丞
成其事今臣被誣罷職皆欽慶挾仇所致事下都
察院請行巡按御史覆實以聞從之
丙辰四川
茂州衛刺兒卜等寨寨首只多兒等來朝貢馬明
甲腰刀璫錫賜綵幣鈔絹有差
巡撫兩廣右僉
都御史葉勝奏流賊攻破容縣屠殺居民劫掠官
庫糧價等物守禦千戶何瑗等不能設備以致失
陷地方乞治瑗等罪事下兵部尚書馬昂等言瑗
罪固可執問而容縣亦係左叅將范信所隸地方

宜令信等廉信失机事具聞治罪治之
戊午錫
蘭王國并滿刺加國王子蘇丹芒連沙各遣使亞
烈葛佛蔭等來朝貢珊瑚寶石乳香綿衣鶴頂蓄
徽露等物賜宴并賜冠帶織金文綺衣服布絹有
差
命刑部廣東司署郎中事主事陳鴻漸實授
本司郎中南京刑部廣東司署員外郎事主事高
琰實授本司員外郎
以赤斤蒙古罕東二衛指
揮使等官可免加等先於苦巴別兒地方殺賊獲
功賞指揮各綵段二表裏千百戶鎮指等官各綵
段一表裏舍人各絹二匹番人各絹一疋俱於陝

西布政司該庫照數放支遣人給散從都督阿速
等奏請也 廣東按察司僉事謝璪總督俺倭都
指揮同知張通等督令官軍民壯人等於東岸村
等處海洋殺賊獲功詔賞都指揮各鈔八百貫綵
段二表裏指揮各鈔六百貫綵段一表裏千戶等
官各鈔六百貫絹三疋百戶等官各鈔五百貫絹
二疋旗軍人等各鈔三百貫絹一疋布一疋俱於
布政司該庫照數放支遣人給散 已未陞刑科
給事中劉洙為應天府府丞山東按察司副使項忠
為陝西按察司按察使 庚申遣工部尚書趙榮

告司工之神以是日於南城之西興工起蓋殿宇
故也 夜月犯氐宿東北星 辛酉敕都督僉事
顏彪得奏虜賊遠遁軍馬在彼供億不敷勅至尔
即率領士馬回京此際未忝長春農事興作之時
沿途宜戒戒士率不許蹂踐違者罪之 僉戶部
移文各處巡撫官每年八月赴京議事巡撫山東
左副都御史年富南直隸左副都御史崔恭南京
總督糧儲左都御史軒輅俱令今年秋來巡撫大
同宣府右副都御史王宇陝西寧夏右副都御史
陳翌甘肅右副都御史芮鈞延綏右僉都御史徐

瑄兩廣右僉都御史葉盛遼東左僉都御史程信
俱令明年如例來以宇等所巡邊地遠故也 壬
戌遣中官祭中雷之神 癸亥以去年十二月內
達賊寇陝西慶陽府安化縣民人郝昇等十三人
并餘丁曾受各擊斬首級及獲弓刀馬匹
上加昇等勇敢比之軍士尤難命各賞銀五兩為首
者給剝帶以榮之 故成安侯郭晟支過祿米有
司如例徵償晟妻高氏奏乞免徵從之 甲子勅
諭甘肅總兵官宣城伯衛穎鎮守太監蒙泰及陝
西行都司官曰近有都指揮賀玉等迤西買馬回

至甘肅行都司差舍人尹度張瑄管送赴京馬甚
瘦損不堪騎用已將各人送錦衣衛問罪今後尔
處但遇買來并進貢馬務差的當指揮管送赴京
沿途加急飼養若再似前重罪不宥 命故陝西
都指揮使熊震子昭龍為寧夏衛指揮使都指揮
僉事楊信孫泰龍為延安衛指揮使 乙丑起復
通政使司左叅議楊遜 肅王瞻焰首送收留自
宮人一十六名命俱發南海子種菜 巡撫兩廣
右僉都御史葉勝奏自今歲二月至四月廣西潯
梧柳慶遠南寧等府所屬州縣俱被流賊攻圍劫

天順三年六月
五
掠民受荼毒已行左右叅將等官抄捕乞將各地
方失机誤事軍賊治罪

上命兵部馳文與劉深等設法抄捕餘如盛言兩丁
卯命武平侯陳友理後軍都督府事兼管寶毒友
先奉命陝西莊浪等處征剿至是回故也
監察御史何楚英下錦衣衛獄楚英巡視光祿寺杖作
奸厨後朱辛逾月而死詔錦衣衛訊楚英獄具刑
部議楚英當贖杖還賊又言光祿寺少卿劉璉與
楚英同事不行奉奏及奉旨陳狀乃敢飾詞亦當
寃治

上命加楚英於都察院前滿三月以聞仍執璉鞫問
戊辰給武定侯郭昌祿米歲二千五百石
命給鎮國中尉相稹歲祿四百石輔國中尉同鐸歲
祿三百石俱米鈔中半兼支弘化縣主并儀賓崔
劉歲祿米四百石折鈔二百石
命勅都督僉事顏
彪曰已有敕召尔回京近聞達賊仍在大同边上
駐劄至尔即統領原帶官軍前去大同操守待秋
後声息寧靜具奏回还
命戶部奏河南開封府所
屬祥符等四縣天順二年雨多河溢滄沒民田四
千六百三十二頃無收應免秋糧米四萬九千八

百零四石馬草六萬二千七百二十四束從之
移置直隸蘇州府崑山縣塘菑港口巡檢司於
本縣七叉港 庚午陞尚書司卿蹇英為太常寺
少卿仍掌司事英任滿九載陞四品俸英奏乞陞職
故有是命 後軍等都督府掌府事忠國公石亨
等奏五府歷事已滿考中監生宜如六部例止令
首領官引奏從之 辛未賜永興王輔國將軍公
錡嬖子名曰成泳 命太常寺少卿陳贄致仕以
老疾故也 昏刻木星犯太微垣右執法星 壬
申哈密忠順王卜列單奏求朝服剝帶笏佩母妻

剝帶服及諸兵器轎乘等物

上命有司製手一品朝服一龍珠翠髻剝二頂餘
不允 南京祠祭署奉祀朱鑄言盱眙第一諸山
雖隔淮河然朝拱

祖陵縱民伐石立窳恐殘地脉亦不宜容其對山以
葬

上命中都留守司究其已對葬者迂之填塞其伐石
立窳之處仍命都察院揭榜禁約 癸酉惜薪司
內官家人及龍驤等衛所軍餘直隸淮安等府縣
民人自宮者三十四人奏求入內供用

上命錦衣衛鎮撫司究問治之。甲戌兵部言甘肅一帶邊防缺馬五千餘匹，戶部議以陝西布政司行都二司官庫收貯糴糧銀贖罰銀二萬兩，布絹二萬三千餘段，易三千五百餘疋，以兩淮兩浙存積鹽四萬五千引中一千一百餘疋，通計得馬四千六百餘匹。然此等區區，平居無事之時則可，今邊報日緩急不及，事乞另項。區區財物，遣人收買。上曰：戶部議亦是。令陝西布按二司如所議收買。余則京庫給銀五千兩，送去增買鹽，免開中。廣東龍水縣徭賊鳳光山等七人，偽稱總管，焚毀衙門。

劫掠鄉村，殺掠人財，被擒械京法司，坐凌遲處死。從之。乙亥詔：今後凡引賞賜進貢等項，若遇雨且停止，待晴時引奏。違者罪之。先是禮部官引遣祭歷代帝王道士，賞賜衣服鈔錠，遇雨濕命易換。與之故有是命。調南京吏科都給事中楊青於刑科。靈丘王孫炘奏府第歲久朽敝，乞勅山西布政司屬縣修理。從之。起復大理寺卿李賓賓。乞終制不允。前軍都督僉事顏彪奏所統官軍至代州，所闕料豆不敷，馬多瘦損。乞命所司仍旧如途事例，每馬一匹日支料豆四升。從之。丙

大明英宗法天立道仁明誠敬昭文憲武至德廣孝
睿皇帝實錄卷之三百四

大明英宗法天立道仁明誠敬昭文憲武至德廣孝
睿皇帝實錄卷之三百五

監修官奉天翊衛推誠宣力武臣特進光祿大夫柱國太保會昌侯孫繼宗
總裁官資政大夫正治上卿禮部尚書兼翰林院學士臣陳文裕政大夫兵部尚書

兼翰林院學士臣彭時副總裁官中憲大夫太常寺少卿兼翰林院侍
講學士臣劉定之中順大夫太常寺少卿兼翰林院侍講學士臣吳節等奉

勅修

天順三年秋七月庚辰朔享

太廟 遣中官祭司門之神 封慶成王府輔國
將軍鍾鏗妻黃氏鍾朝妻田氏鍾鏞妻李氏

鍾寵妻韓氏 鍾鏞妻顧氏 鍾銓妻高氏 俱
為夫人 賜誥命 封鎮國將軍美塚第三女
為新興郡君 配張奉第四女 為秀容郡君
配高珣 命奉等為宗人 府儀賓 俱賜誥命
冠服鞍馬等物 工部奏徐州夾溝呂
梁三堡積聚楠杉木 欲運赴北京 大木廠
宜遣官提督

上命工部侍郎翁世資 同都督僉事趙輔
往

辛巳陞浙江杭州府同知馬偉為處州府知府 偉先以布

按二司奏其才能堪任府正 故有是命 定遠侯
石彪自大同回京 奏以大同衛官軍二十四人 俱
留在京 跟隨於原衛 支給俸糧

上允其奏 既而戶部復請加存操官軍例 月給糧四
斗 從之 金吾左衛指揮僉事徐廣 上軍器八件
一長角二團角三長刃四團刃五截桶六護樁七
兵鞍八催馬

上取視以其不可用 罷之 禁浙江并直隸緣海衛
軍民不許私造大船 糾集人眾 携軍器下海 為盜
敢有違者 正犯處以極刑 家屬發戍邊 衛從備倭

揚州等處都督僉事翁紹宗奏請也 壬午泰寧
衛都督僉事單于帖木兒等遣頭目伯咬哈等來
朝貢駝馬賜宴并綵幣表裏紵絲絨衣等物 勅
戶部主事李興近聞四川行都司所屬衛所及松
潘等處倉糧出納作弊多端今令爾同進士徐源
會同巡按四川監察御史親詣各倉查筭盤量若
有虧折及侵欺等弊就将原經提督并各該官攢
人等提問追理應奏者具奏拿問事完之日仍将
查盤過倉糧開具實在虧折數目造冊奏繳爾須
關防嚴密不許存私容情如違取罪非輕 陞禮

部精繕司郎中李棗為廣西布政司左叅政工部
營繕司郎中秦觀為雲南布政司左叅政戶部河
南司主事李璉為廣西梧州府知府 癸未
仁孝文皇后忌日遣官祭

長陵 蠲湖廣常德荊州黃州襄陽府所屬武陵等
七州縣去年被災地畝秋糧米一萬八千六百六
十二石有奇 甲申賜樂安王紵絲紗羅各一疋
以王奏先賜袍服年久敝坏求新者也 陞朵顏
衛萬戶卜齋為都指揮僉事 乙酉命鎮守浙江
太監盧永姪盧正於所屬錢塘縣附籍從永請也

命指揮僉事千百戶殷善等九人俱陞一級印鈔
局大使等官俞友文等十人為所鎮撫軍匠劉晉
等二十一人為試百戶單賤百戶屠芝仍與舊賤
俱仍在御用監修理繪事 丙戌勅諭南守京備
太監周禮等近聞尔等行事不和又與守備總兵
亦相矛盾所以荐新品物徃徃遲悞及至花果等
樹亦有枯損者今後一應進物件俱不必進來勅
至尔等各宜警省若再不能尽心辦事朝廷豈患
無人代替尔等其慎之毋貽後悔 丁亥命通州
衛帶俸都指揮僉事張俊徃遼東協同副總兵官

東寧伯焦禮鎮寧守遠地方 命翰林院侍讀李
士錢溥侍講萬安為應天府鄉試考官 戊子遣
定西侯蔣琬彭城伯張瑾遼安伯陳韶襄城伯李
瑾修武伯沈煜成山伯王琮為正使給事中曹衡
錢澍王鉉劉葵王儼鄭瑞為副使各持節冊封晉
王嫡長子竒源為晉世子庶長子竒漢為義寧王
周王第十三子子埒為臨汝王庶長子曰鑣為睢
陽王代王第五子成鏗為和川王慶王第三子寧
典為弘農王藩世子幼埒為藩王及進封妃趙氏
為藩王妃楚府崇陽王夫人李氏為崇陽王妃

遣工部尚書趙榮祭司工之神以是日於南城之
西起造殿宇豎柱上梁也。陞南京禮部主客司
主事陳律為禮部精膳司郎中南京工部營繕司
主事黃霖為工部營繕司郎中中書舍人葉玟何
暹俱為禮部員外郎仍隸內閣書辦張旭為工部
員外郎仍於四夷館譯寫夷字俱以任滿九載也
擢監生魏祐瞿玆盧譚為中書舍人。刑部鞫錦
衣衛力士陳九等三人盜內府財物贖斬還役
上俞斬之。己丑賜晉世子竒源金宝并儀仗等物
先是勅慶王選為二百疋給寧夏官軍騎操有司

請以上中下三等定價於陝西糴糧銀內給還之
上止令勘視等第以聞至是命官賣書并銀四百
兩紵絲紗羅四十疋綵絹二十疋西洋布十疋高
麗布二疋賜之。陞泰寧衛都督僉事革干帖木
兒為左都督。禁湖廣軍民人等不許交通番僧
販鬻私茶違者治罪從都察院左都御史寇深等
奏請也。庚寅命哈密忠順王卜列單使臣都指
揮僉事阿都刺千戶阿馬力百戶捨力夫丁俱陞
一級。兵部奏向者南京守備魏國公徐承宗等
妄舉都督吳良堪管夷人已蒙恩宥令再別奉令

乃飾詞抗違請治其罪
 上賜勅切責承宗令於久任違官內會選諳曉夷語
 老成謹厚者三四人以聞
 辛卯湖廣容美宣撫
 司宣撫田保富遣舍人黃昱等四川烏思藏禪師
 尔桑兒結朶兒只等俱來朝貢馬及方物賜鈔絲
 幣表裏紵絲龍衣等物有差
 壬辰楚府鎮國將
 軍季坡夫人田氏卒遣官賜祭舍有司營葬
 癸巳賜瀋府長平郡主并儀賓李磐誥舍冠服儀仗
 工等物
 甲午中元節遣官祭
 長陵

獻陵

景陵

丙申英國公張懋奏天順元年臣奏求順天
 府文安縣信安草場共四千五十頃即今無人營
 業願退出還官從之
 丁酉

太宗文皇帝忌辰遣官祭

長陵

修塞駕及東駕內損壞儀仗
 復刑部左侍
 郎周瑄右侍郎黃仕儁俸先是瑄等鞫獄枉錯停
 俸一年至是復給之
 戊戌給靖江王府故奉國
 將軍佐善幼子祿米四百石米鈔中半無支
 己亥朝鮮國王李璵遣陪臣其信中等奏事至京賜

鈔絲段表裏金織羅龍衣等物有差復通事都
督同知等官馬頭等俸先是頭等坐事停俸至是
命照舊支給庚子賜永興王鎮國將軍公錕紵
絲紗羅各一疋時公錕奏先賜常服短狹不堪服
用故有是賜賜江川王黃梅縣主并儀賓劉昇
大誥命冠服鞍馬等物賜蘭山國王葛力生夏刺
昔利把交刺惹遣使來朝貢方物賜宴并綵幣表
裏等物仍命來使賞勅并綵幣表裏歸賜其王及
妃物山東武定州并濟陽邳平陵縣直隸廣平府
肥鄉縣順德府平鄉縣河南開封懷慶汝寧府所

刑部奏

刑部

屬陳州尉氏等十一州縣并山東青州左衛直隸武
定千戶所俱奏五六月中驟雨滄沒田禾秋糧無徵
上命戶部勘實以聞辛丑哈密忠順王卜列羊
遣使臣拜帖木兒等來朝貢馬駝賜宴并綵
幣表裏紵絲襲衣等物命故五軍右振坐營
都指揮使張輔子鏞襲為金吾左衛指揮使通州
衛指揮使湯勝子振指揮同知潘斌叔景襲職南
京旗手衛指揮同知卞通子俊代職壬寅夜月
掩畢宿附耳星命癸卯賜保安王鎮國將軍公鏞
庶生子名誠德省刑部尚書陸瑜左侍郎周瑄

刑部奏

刑部

寺罪初刑部囚三人有旨枷示一月畢以聞未及旬而死者二人瑜等奏二人先受刑於錦衣衛今遇炎熱不能堪故死臣等失於點檢亦合有罪上曰既服罪其宥之未時日生暈申時日上生背氣一道隨生右珥各色淡俱至酉時雲遮乙巳遼王貴煖奏欲以明年正旦躬親朝覲復書止之丙午賞後軍都督同知馬頭銀二十兩鈔二千貫綵段二表裏金織紵絲衣一襲旗軍李信等二十二人各銀十兩鈔五百貫素紵絲衣一襲綵段一表裏以賚勅徃兀良哈泰寧等衛撫諭夷情有勞

也刑部左侍郎周瑄任滿九載

上命復職丁未賜慶成王阜城縣主并儀賓蔣臯誥命冠服鞍馬等物復除廣東按察司僉事蔣敬仍舊任改太常寺寺丞李侃為太僕寺寺丞以親喪服闋也陞中書舍人劉福為尚書司司丞兵部奏鎮守金齒騰衝南寧伯毛勝已卒其左叅將都督僉事胡誌不將勝所掌關防具奏定奪擅自收掌請治其罪

上曰誌罪當治且特宥之仍令收掌戊申四川行都司建昌衛土官舍人安銘廣東英德縣徭首夏

永安等俱來朝貢馬及方物賜鈔綵幣表裏有差
已酉湖廣貴州總兵官南和侯方瑛等奏官軍累
次攻克苗蠻二百三十四寨斬首二千三百六十
七級生擒偽都指揮張成等并從賊四百六十三
人俘獲賊屬五百餘口總理廣西軍務左少監
朱詳奏廣西右叅政岑瑛先為思恩土官知府累
以戰功陞至今官授從二品散官通奉大夫乞不
為常例量遷都司軍職
上曰瑛既歷練老成累有軍功改陞都指揮同知仍
聽總兵鎮守官調用降監察御史劉濟為縣主

薄濟往巡按甘肅等處患疾止於蘭縣奏乞代回
京養疾至是回京復奏欲回原籍調治
上命錦衣衛鞠之法司論其奏事詐不以實贖徒還
賤

上命贖畢降之

大明英宗法天立道仁明誠敬昭文憲武至德廣孝
睿皇帝實錄卷之三百五

大明英宗法天立道仁明誠敬昭文憲武至德廣孝
睿皇帝實錄卷之三百六

監修官奉天翊衛推誠宣力武臣特進光祿大夫
柱國太保會昌侯臣孫繼宗 總裁官資政大夫
正治上卿禮部尚書無翰林院學士臣陳文資政
大夫兵部尚書無翰林院學士臣彭時副總裁官
中憲大夫太常寺少卿無翰林院侍讀學士臣劉
定之中順大夫太常寺少卿無翰林院侍讀學士
臣吳節等奉

勅修

天順三年八月庚戌朔遣道士齋祝幣往會所在
守臣祭歷代帝王陵寢 會光祿寺掌寺事禮部
右侍郎蔚能復任以省祭還京也 陞哈密忠順
王使臣都指揮同知把禿帖木兒為都指揮使伯
都王使臣指揮僉事失刺力為指揮同知會克失
禿王使臣故都督僉事把伯子把禿字羅為指揮
僉事伯都王克失禿王皆自瓦剌寓居哈密者
定遠侯石彪下錦衣衛獄彪謀鎮守大同令致仕
千戶楊斌等五十三人奏保

上覺其詐會執斌鞫之果得彪所使實情言官因劾

彪遂下獄 辛亥復除廣東布政司左布政使陳
金於廣西布政司以親喪服闋也會刑部山東司
署郎中事員外郎余洵實授本司郎中擢進士熊
惠為刑部浙江司主事張翹為廣西司主事 會
陝西甘涼等衛官軍屯田均納草束仍會陝西行
都司管屯都指揮趙斌總督軍餘并各驛遞趁時
採積從巡撫右副都御史芮鈞到奏請也 哈密忠
順王卜列單遣使臣捨刺罕等奏報邊事至京賜
鈔線幣表裡金織紵絲絨衣等物 以直隸直定
府深州地一百五十頃賜後軍都督府帶俸都督

同知也先帖木兒從其請也 辰時日生淡暈已
時圍圓鮮明至申時雲遮 壬子賜汧陽王公錫
織金紵絲紗羅衣服各一襲以王奏袍服敝壞也
甲寅賜沁水王府鎮國將軍幼壻夫人李氏誥命
冠服 琉球國中山王尚泰久遣使臣西羅佳其
等來朝貢方物賜宴并鈔線幣表裏等物有差
忠國公石亨奏臣素知姪彪不才難居重任天順
元年朝廷欲令充大同總兵官臣再三懇辭而止
近日征西回至大同臣恐其在彼生事又奏取回
今乃妄為冒干天憲實臣素不能教訓所致請并

下獄

上曰彪貪圖權利欺罔朝廷朕遵

祖宗法度特置於法今彪已自服罪於鄉無預不必
介意 乙卯遣南京守備魏國公徐承宗祭厚土
之神南京工部尚書王永壽祭司工之神以南京
山川壇殿宇被災命工蓋造完畢也 丁巳釋奠
先師孔子遣部吏尚書無翰林院學士李賢行礼
命翰林院學士劉定之倪謙為順天府鄉試考官
賜宴于本府 戊午祭

太社

太稷 昏刻月犯南斗夜有流星大如鷄彈色青白
 有光出紫微東藩內北行至壯斗杓 己未以
 皇陵正殿齋宮靈星門白塔墳殿宇等處滲漏損壞
 是日興工脩理遣駙馬都尉焦敬祭告土之神
 勅諭文武群臣曰朕惟正天下莫先於正朝廷正
 朝廷莫先於正百官百官正則朝廷正而天下治
 我
 太祖高皇帝創業垂統立綱陳紀以臨天下其於文
 武百官諄諄誥戒又製為鐵榜省諭功臣是以當
 時臣下罔不循理守法無敢私交近年以來公侯

駙馬伯五府六部都察院等衙門大臣及近侍官
 員中間多有不遵禮法私相交徃習以為常甚至
 阿附勢要漏泄事情因而結構弊出百端且如定
 遠侯石彪高謀鎮守私令跟隨指揮等官虛捏奏
 詞投進及至事發被劾輒有情熟近侍等官潛報
 消息官之不止莫甚於此此而不禁何以為治今
 後尔文武大臣無故不許互相徃來給事中御史
 亦不許私謁文武大臣之家違者治以重罪敢有
 阿附勢要漏泄事情者輕則發戍邊衛重則處死
 錦衣衛指揮乃親軍近侍關係尤重亦不許與文

武大臣交通如違一体治罪不宥其各衛指揮以下非出征時不得輒於公侯之門侍立聽候違者照秩榜事例處治尔文武百官其恪遵朕言敦行正道庶幾永保祿位欵哉 勅鎮守浙江太監盧永江西太監葉達福建少監馮讓曰中官原設六尚女官以紀內事必選識字婦人以充其任近年以來多有放出還家及老疾不堪事者缺人任用勅至尔即密切体訪良家子女十五以上及無夫婦人四十以下能讀書寫字并諳曉算數者四五十人籍記姓名待明年春暖別遣人同尔會選令

其親屬送來有司應付口糧脚力体訪之際不可妄用非人因而詐騙財物驚擾下人尔其慎之 駙馬都尉后璟奏祿米一千石内小麥三百石原在南京閩支景泰中在京折支銀鈔乞量折米以備養贍

上命不為例准在京給米一百石餘麥二百石仍於南京閩支 閩戶部四川司主事田厚為雲南鶴慶軍民府通判厚常出入權門至是又假館於后亭事竟故有是命 月犯建星 庚申巡撫兩廣右僉都御史葉盛奏田州府頭目呂趙殺知府岑鑑

占掘地方偽稱太平王圖謀岑氏宗族冒龍知府
 賊事兵部言宜設法擒捕
 上曰擒捕方畧唯以預定令彼總兵等官從宜區處
 以靖地方
 辛酉太常寺少卿黃采卒采字以載
 浙江永嘉縣人善楷書以少保淮子授中書舍人
 預修玉牒累陞吏部考功郎中太常寺少卿書內
 閣機密文字丁憂還家以疾卒遣官諭祭采知書
 達理有能詩名
 壬戌祭山川城隍寺神
 遣旗
 手衛官祭旗毒之神
 追封周世子妃祝氏為周
 靖王妃祝先以世子龍封周王未久而薨祝氏未

得封至是卒故追封之仍遣官致祭命有司營葬
 臨川王盤輝奏江西都司等官擅役軍夫開河造
 船通宵不閉城門

上遣刑部錦衣衛各差公止官一員往勘之
 癸亥
 哈密使臣都督脫脫不花指揮虎都帖木兒等陞
 辭宴賜如例仍命賞勅并綵段表裏歸賜忠順王
 卜列單及瓦剌也先弟伯都王
 勅南京守備魏
 國公徐承宗曰近聞爾持廉秉公能恆軍士固為
 可取但用刑太酷軍賊小過輒加箠楚以致大小
 軍官咸生嗟怨勅至尔即懲改凡軍賊有犯俱送

理刑官必依律問罪如蹈前非朕不尔宥尔其慎
之忠國公石亨奏頃者臣姪彪不才犯法實由
臣不能修身齊家所致臣已具奏伏罪尋蒙恩宥
伏望

皇上憫臣愚昧將臣同臣弟姪在官者俱放歸里田
以終餘年則雖死九泉之下亦不勝感恩矣
上曰彪自犯法於卿無預卿當盡忠以輔朝廷不必
疑慮所辭俱不允毋再煩擾 甲子後軍都督府
帶俸左都督馬克順奏求直隸真定府隆平縣空
地牧馬

上命以百頃賜之 命福建三司官嚴禁軍民人等
不許聚眾販鹽從左都御史寇深等奏請也 巡
撫寧夏右副都御史陳翌奏甘涼寧夏延綏大同
宣府一帶地方用兵以來添調軍馬動以數萬有
司苦於供給况近歲水旱相仍流移四出若不多
方措置益恐邊用不敷有勞

宸慮乞勅該部差官一員往兩淮會同巡鹽御史查
勘各場逐年收貯沒官并秤掣割下余鹽及見在
鹽共贖一十萬引官為應付舟車載於儀真水次
依時值每鹽一引易銀一兩運付各邊大同宣府

各二萬兩甘涼等處共三萬兩延綏寧夏各一萬
五千兩俟豐年糴糧貯之以備添調軍馬支用事
下戶部言豈言於邊儲誠為有益但所擬鹽十萬
引必用包索捆載計須用銀二百餘兩况淮安揚
州連年水旱措備無方而兩淮鹽場去儀真近者
三五百里遠者七八百里起倩民夫舟車動以千
計不無搔擾且見在私余等項鹽止有一萬余引
請移文兩淮運司斷自奏准日為始凡私鹽沒官
鹽令犯人自備包索掣割高鹽令所在有司措備
運至儀真每二萬引一次開報本部差官監督

賈如本官所擬送至邊方備用從之 乙丑遣順
天府官祭宋丞相文天祥 泰寧衛左都督單干
帖木兒朶顏衛都督阿兒乞蠻指揮米咱等福餘
衛指揮可台等俱遣使來朝貢馬賜宴并綵幣表
裏紵絲羅衣有差仍命來使齎勅并綵幣表裏歸
賜單干帖木兒等 靖江王府鎮國將軍中尉相
怡卒祿米任支
上命歲給一百五十石以卹其家 丙寅遣給事中
陳嘉猷為正使行人彭盛為副使持節封故滿剌
加國王子蘇丹范速沙為滿剌加國王賜勅諭王

日尔先世恪守藩邦傳及尔父繼承未久遽跡長
逝訃音遠至軫於朕怀尔為嫡嗣乃能遣使以方
物來獻請命於朝眷惟象賢宜紹國統特遣使齎
詔封尔為滿刺加國王仍賜綵幣用答勤意尚其
永堅臣節益順天心用修藩屏之恭毋怠撫綏之
政庶承先志以享安榮欽哉復命加猷等諭祭其
國王速魯檀無答佛哪沙并頒詔告其國人 命
故四川都司掌司事右軍都督府都督僉事徐海
姪毅龍為越雋衛指揮使 瓜哇國番人火失的
朝貢至京奏願居京自効命祭錦衣衛養象月支

食米一石 丁卯日色如赭夜月亦如之 戊辰
代府長史司左長史李滋言本府郡王俱在大同
一城居住近來各郡王奏事止令長史司出批所
奏事情並不經本司看驗中間有奏一事而夾奏
二三者稍有不從輒將實封送本司既不敢開
視亦不敢稽番只得遣人賫進臣係輔導之職不
敢緘默乞勅本府未封之國郡王奏事務令長史
司知會叅詳事有不當行者得以勸諫則法正事
簡庶不累及事下禮部定議言近者各郡王奏事
中間有乞請封號而不開年歲者有求討多物而

不思事例有無者有已蒙恩賜及奉
聖斷而又重復奏請者甚至鎮國將軍以下亦有不
由郡王而徑令家人校尉齎本詣京者非惟煩瀆
聖聽抑且事不歸一請再行各王府長史司轉行各
郡王府教授啓王知之今後郡王以下凡有奏請
務遵前例先令長史司啓親王知之叅詳事體可
否應奏請者然後長史司給批付所遣人賫本具
奏如有机密事情許徑自奏聞不在此例從之
都察院奏鎮守居庸關內官崔保都指揮仲福阿
附定遠侯石彪宜逮治之

上曰姑不問令陳狀以聞 命左僉都御史王儉錦
衣衛指揮僉事逮杲往大同執都指揮使朱諒等
七十六人械京鞠治以其阿附定遠侯石彪故也
湖廣偏橋衛奏倉平堡地狹不利屯營大紅屯去
倉平半里地頗高埠可立堡守備從之 庚午國
子監祭酒刘益言本監放回依親丁憂復班監生
那移年月到監輒與坐堂年久及辦事者一槩挨
次揆歷非惟勞逸不均抑且不諳政體難以任用
上命禮部定議以聞於是議今後丁憂復班監生須
坐堂及辦事半年方許揆歷仍移文各處有司遇

有依親監生丁憂者隨即申達本部以憑稽考若無名預先申文止於起復之日扶捏文書到部者將經該官吏并監生一体究問從之故致仕吏部尚書黃宗載孫制奏乞入國子監讀書許之辛未封隍川王遜嫪長女為新安縣主配張珍次女為太平縣主配袁彬俞珍彬俱為宗人府儀賓賜誥命冠服鞍馬等物召致任戶部左侍郎孟鑑至京調南京工部左侍郎鎮守寧夏太監王清奏署都指揮僉事任信等出塞招撫得達子男婦六十七人來降乞賞其功

上命俱陞一級達子帖木兒字羅脫歡沙等四十人來歸僉俱為頭目送南京錦衣衛安插給房屋器物杭州嘉興紹興金華衢州台州等府并海寧等衛所各奏四月以來亢旱不雨禾苗槁死上命戶部勘實蠲其租賦直隸廣平真定大名山東濟南兗州東昌青州等府俱奏所屬州縣五六月中聚雨傷稼秋糧無徵上命戶部勘實以聞壬申湖廣施州衛本冊長官司遣把事可者送等廣東翁源縣徭首金善清等俱來朝貢馬及方物賜鈔綵幣表裏有差修武

伯沈煜刑科給事中王儼下錦衣衛獄煜等奉命
持節冊封瀋王既行

上命錦衣衛遣校尉躡其後覘之盡得其受王饋遺
狀煜等還京六科十三道劾之遂下獄 修築大寧
都司茂山衛城 癸酉巡撫大同宣府右副都御
史王宇先奏大同歲用芻藁浩繁而總督糧儲戶
部郎中楊益不能措備請究問益仍專差戶部堂
上官一員經理之戶部言彼處糧草近奉命巡撫
官督理不必更差官負宜令宇多方督屬廣為採
積益未見誤事實跡難便究問止宜移文申飭勉

其自新宇遂奏戶部尚書沈固等既不奏差官負
又不令益聽臣督理朦朧奏請致使益凡事不相
關白倘芻藁缺用罪將安歸况固等移文臣處微
詞巧詆欲將臣下同所屬若依所奏則臣止可督
理糧草而於巡撫之事不當干預其於原奉勅諭
實相違戾乞以臣言并戶部所奏參究以定是非
戶科給事中等官亦劾固等不以邊計為重回護
屬官欺公玩法合就逮治固等自陳伏罪
上俱宥之 總旗姚福安奏都督同知詹忠欲占其
屋及強娶其幼女為義孫婦事下刑部請究治既

而忠奉詔陳狀遂宥之。廣西按察使計澄等奏慶遠衛署都指揮僉事黃鉞盜賣官糧及賊徒流劫鄉村殺虜人畜不行擒捕。上命巡撫御史鞠之。甲戌賜寧河王庶弟二子名鍾錕庶第五子名鍾鎰。兵部奏廣西副總兵右都督陳旺曩見全州賊勢昌熾不行勦擊乃假巡歷柳州脫身避難因集土官求取財物以致廣西地方俱被賊衆流劫累為巡撫官所劾今已徵還乞付法司究其奸貪失机之罪。上曰陳旺不才本當問罪今且宥之。

乙亥致書魯王肇輝曰先於正統十三年因內外官員人等差去王府多有不遵禮法求索財物以致王府措辦艰难甚失親親之義已勅該部通行各處三司巡按御史等官許令体察具奏拿問治以重罪及致書各處王府知會以此人不敢犯近年以來差去官員視為泛常畧無忌憚且如修武伯沈煜給事中王儼遣往藩府冊封行禮接受王府銀兩數以百計其餘表裏等物等項甚多况王府財物有限豈堪如此費用其沈煜等已置於法今後但有遣去内外人負到府除飲饌之外一毫

財物不可與之若有無知之徒不顧廉耻求索財物者事發仍照正統年間事例正犯處死全家邊遠充軍庶使人知守法親族不至勞費專書奉達惟恭祖亮之復致書編告天下宗室諸王皆如前書所言 命在京各衛官軍人等九月十月分俸糧月糧預於通州倉閘支以餽運俱至通州倉少收受不敷故也巡按湖廣監察御史奏長沙武昌岳州漢陽黃州衡州永州辰州寶慶常德等府所屬湘陰興國等七十一州縣五月中无旱無雨秧苗枯槁襄陽府穀城縣沔陽州景陵縣六月中襄

水湧泛禾苗滄沒秋糧無徵

上命戶部勘實蝕之 丙子給交城王府新樂縣主并儀賓于翔歲祿米四百石折鈔二百石 免直隸河間府所屬一十八州縣今年被災地畝稅麥一萬五千九十四石有奇 戊寅錦衣衛指揮僉事逮杲奏大同等衛都指揮同知杜文等三十三員俱無軍功阿附定遠侯石彪冒升官職事下法司請械文等至京鞠治從之 己卯兵部奏奉旨查自大同來京官數都指揮指揮千戶鎮撫等官石寧等共五十六員俱係忠國公石亨親屬

上曰此殺賊陸賊者不動但報奪門守門陸者俱單
賊有官者調外衛差操無官者發回原籍當差

臣等竊惟文藝至初降詔之時不立甲兵時者奉
命無辜起隨城守無功亦不立甲兵時者奉命
事歸是奉命而歸者亦不立甲兵時者奉命
亦歸是奉命而歸者亦不立甲兵時者奉命
轉民聞詔而逃之者亦不立甲兵時者奉命
亦歸是奉命而歸者亦不立甲兵時者奉命
大明英宗法天立道仁明誠敬昭文憲武至德廣孝
睿皇帝實錄卷之三百六

大明英宗法天立道仁明誠敬昭文憲武至德廣孝
睿皇帝實錄卷之三百七

監修官奉天翊衛推誠宣力武臣特進光祿大夫
柱國太保會昌侯臣孫繼宗 總裁官資政大夫
正治上卿禮部尚書兼翰林院學士臣陳文資政
大夫兵部尚書兼翰林院學士臣彭時副總裁官
中憲大夫太常寺少卿兼翰林院侍讀學士臣劉
定之中順大夫太常寺少卿兼翰林院侍讀學士
臣吳節等奉

敕修

天順三年九月庚辰朔命錦衣衛指揮使門達詣都察院會鞠石彪得其繡蟒龍衣及違式寢牀辛巳河南濟源縣遣老人焦順進瑞粟一本二穗至四五穗者百餘畝給鈔五錠為路費上命兵部臣曰順聖川舊為牧馬草場近因胡虜窺邊以致廢弛爾兵部其即整理築城堡置房屋仍舊養馬尚書馬昂奏乞差戶工二部官檢覈草場計度木料并令太僕寺揀選種馬總兵官量撥軍丁牧馬養從之三命京衛帶俸都指揮同知廉忠往南京管理新附夷人六金盞兒甸馬房官草被

焚錦衣衛捕獲放火者三人

上命即於本處斬之梟首示衆夜有流星大如盞色青白光明燭地起闕立東行至近濁後三小星隨之壬午巡按福建監察御史唐彬劾奏把總備倭都指揮僉事桂福不嚴備禦以致倭賊虜掠官船僉事年俸亦劾福招剋軍士都察院請逮治福

上命福具狀以聞福輸罪宥之癸未先是忠國公石亨奏請凡各處赴京操練官軍違限及數少者听其自行決罰至是兵部奏刑威乃國之大柄非

人臣所當操乞從舊例送法司從之 甲申命金
吾右衛指揮使金吳子振指揮僉事王智子能羽
林前衛指揮同知李原子禎指揮僉事劉廣子宣
燕山右衛指揮同知王城子璽燕山左衛指揮同
知王榮子政張金子勇金吾左衛指揮同知陳通
子瑾俱代戍以英等老疾故也 鎮守廣東左少監
阮能奏廣西流賊萬餘侵犯廣州府界即今珠場
採辦屢被竊擾其勢猖獗流劫鄉村殆遍若不早
為區處竊恐貽患無窮兵部請降勅諭巡撫兩廣
右僉都御史葉盛并總兵官鎮守等官調度所在

官軍土兵民壯剷除從之 都知監太監吳昱奏
臣等奉勅往廣東管束軍民蠶戶採取玳瑁其庶
州等府白沙珠場舊立柵柵廠房壞整俱壞其船
隻網兜鉄扒竹籬珠篩等器四亦皆缺少臣已委
都司等官成造但彼處屢報賊情未能一切完就
上命工部移文三司從令成造以便採取 乙酉致
書襄王贍塔曰比因所傳藥方有驗致書再求數
方用廣其傳承復惠良方及所製良劑用以療疾
多效足見叔父仁術之妙第恐府中藥材有欠今
擇其良者百數十品專人奉去以副濟人利物之

功凡珍珠片腦犀沉等藥九百八十斤有奇至可
領也 調忠國公石亨家屬京衛指揮僉事石寧
等十人於廣東雷州等衛 兵部奏中軍都督僉
事杜清錦衣衛千戶劉盤等二十員俱係奪門有
功人數

上命清帶俸不管事盤以下俱革新陞職事復注原
衛所兵部復奏清舊充厨役應募報効從石亨於
大同得所鎮撫景泰間亨奏起清赴京又隨亨征
進有功陞千戶尋取回尚膳監仍本官給役大庖
及查得亨所叙功次文冊無清姓名亦宜革去新

陞職名

上曰清曾効勤勞不必單 夜有流星大如杯色赤
尾光屈曲如蛇西行至危宿 丙戌文安伯張輓
有疾

上命醫療之 命都督同知李奇鎮守居庸關雲南
左叅政羅崇本以老病乞致仕從之 丁亥命忠
國公石亨養病 夜南方有星大如盞色青白尾
跡有光起自危宿正西行至斗宿沒 戊子重陽
節賜文武百官宴 宣寧王遜料奏妃楊氏故無
子今庶長子仕棵年十歲乞賜封爵事下禮部議

以為舊制親王年五十無嫡生子方得立庶長子
今宣寧王年甫三十有七有仕塚庶生雞遞封為
長子宜如制封鎮國將軍候王年至五十無繼妃
生子然後奏請處分從之 命故金吾右衛指揮
使丁金子禮燕山前衛指揮同知路榮子達俱罷
職 己丑兵部劾奏管操都督僉事陳友韓志阿
附石彪故縱軍旗曠役

上曰姑宥之 擢進士夏澄陳瑾陳迪為主事 曉
刻有流星大如鷄彈色青白起昴宿約行丈餘發
光 星 夜月犯牛宿下星 庚寅命哈密忠順

王使臣得失兒哈為指揮同知 忠國公石亨奏
臣奉命管五軍營及掌後軍都督府事今以病廢
蒙恩優養不能泣事乞改命能者

上曰既病宜加調攝公務暫遣人代理病愈仍復治
事 肅州城中火延燒官軍人等五千四百余家
糧九千九百余石草三十三萬束軍器甚衆死者
六十餘人 曉刻金星犯太微垣左執法星 夜
有流星大如鷄彈色青白有光起天倉西南行至
近濁尾跡炸散 辛卯賜隄川王遜嫪第四子名
曰仕翯沔陽王第二子名曰誠浚 朝鮮國王李

三十一
孫遣陪臣朴原亨等來朝貢馬及方物賜宴并金
織罷衣綵幣等物有差 義勇後衛指揮鄒叔彛
嘗往來忠國公后身家講論遁甲兵法及太乙書
數被行事校尉緝知以聞 壬辰命南京
上命執叔彛送法司鞠之亨置不問 禮部署郎中事周達實授郎中署員外郎事殿陽
復實授員外郎 陞南京工部員外郎王政為營
繕司郎中 癸巳司禮監太監福安奏內外衙門
累年成造各王府寶冊儀仗闕用黃金數多官庫
收貯缺乏乞照永樂宣德年間差內外官員往西

洋等處採買及雲南等處差發課程差人採辦進
庫應用

上曰採買不必行雲南等處金課數亦无多其以雲
南歲辦差發銀折收金應用 修造內府寶鈔司
庫作等房 甲午下監察御史康驥錦衣衛獄初
廣東廉州府知府李遜與內使譚記相訐奏命驥
往覈之適有賊道阻驥歸過期故下獄 巡撫大
同宣府右副都御史王宇奏馬邑守備都指揮僉
事袁寶聞邊警石象號令縣官不往寶輒捷之且
使人促鄉民入城避寇因索民雞黍民有出城易

堯者守門百戶韓昇等逐之迫墜河死死者之
弟欲訴昇等反誣告其違令室捷之請究室等罪
都察院左都御史寇深言室聞警故如此亦其賤
當爾昇等亦非威逼人死者比請免鞫

上曰室處事謬以致傷人本當究治姑宥之昇等仍
令巡按御史鞫問 夜月犯外屏第三星 乙未
免山西太原平陽二府所屬三十四州縣去年災
傷田地夏稅一十萬七千四百餘石 鎮守江西
御馬監太監葉達奏江西進貢果品多用遞運所
紅船裝載恐汙穢不潔乞勅三司造扁淺船以便

進貢從之 丙申命總督南京糧儲都察院左都
御史軒輓兼理鳳陽等處倉糧 命戶部輸銀五
萬兩於遼東糴米以足軍餉 丁酉夜月犯天高
東星 戊戌命駙馬都尉焦敬往鳳陽督修

皇陵殿宇 賜錦衣衛帶俸都指揮使錢僧護祖母
陳氏河南歸德州寧陵縣黃河退灘地一百頃從
其請也 降吏部左侍郎孫弘為雲南大理府通
判通政司右通政刘文為雲南臨安府同知翰林
院學士黃課為廣東廣州府通判光祿寺寺丞金
銘為廣州右衛經歷兵部主事楊福宋諒潘榮為

廣西慶遠等衛知事太僕寺寺丞蔣道隆為湖廣
新化縣主簿弘等先附石亨冒奪門迎駕之功得陞秩
至是以身等敗露故有是命 己亥調湖廣都司帶
俸都指揮僉事劉清李敬四川帶俸都指揮僉事陳
綱刑斌於廣西都司管事 初錦衣衛指揮遠杲奏英
國公張懋會昌侯孫繼宗太平侯張瑾錦衣衛都指揮
同知孫紹宗俱侵官田立私庄命各具狀以聞至是懋等皆輸罪
上曰勲戚大臣已享厚祿而又若此論法本難宥既
輸罪姑宥之管庄人仍執問之其田還官 初
忠國公石亨私遣義勇後衛指揮同知裴瑄出居

庸闕市材木遣兵部召瑄不至以聞命都察院錦
衣衛捕之弗得乃命索諸亨亨不以實告捕愈急
已而錦衣衛指揮僉事遠杲自大同械瑄至京下
獄會三法司鞫得狀請治亨罪且劾守居庸關都
指揮僉事仲福憑亨私書即縱瑄出闕阿附之罪
尤重

上命姑宥亨罪降福為指揮使 夜月犯井宿 庚
子 造山川垓齋宮應用器皿 大同總兵官高
陽伯李文奉旨籍石彪私莊得其駝馬騾驢牛羊
七百有奇送至京 辛丑命都察院右僉都御史

徐瑄復任仍巡撫延安綏德以奔母喪奪情回京也擢進士譙芳門相為南京主事調南京戶科給事中黃甄於工科復除右給事中江珙於刑科監察御史郎勝於河南道郎中段寔署負外郎事主事童信於南京工部汪回顯於南京戶部甄以舊官代回珙等俱以親喪服闋故也壬寅晉府文水郡主薨遣中官諭祭命有司營葬巡按廣東監察御史白侃奏廣西徭賊攻圍化州守備都指揮孫旺不行救援乞正其罪上命旺帶罪殺賊再犯必殺不宥卯時日生暈上

生背氣一道隨生左珥各色淡背氣珥先散暈至酉時雲遮癸卯加賜哈使臣撒滿赤等十二人綵段一表裏從其都指揮使把帖木兒奏請也都察院言忠國公石亨擅遣大同前衛帶俸指揮同知盧昭往直隸武平衛追捕亡僕事竟昭已就鞫請治亨罪

上曰姑宥亨下監察御史田景暘錦衣衛獄景暘自山東巡按還納其印尚寶司言印有缺坏故下獄且夜有流星大如盞色赤白有光起卯宿約行丈餘發光如椀大光明燭地西北行至婁宿尾跡

後散甲辰法司言忠國公石亨不能訓戒其姪
彪且受其所送違禁寢牀請治亨罪
上曰姑宥亨罪寢牀沒入之
浙江温州府永嘉縣
教諭雍懋言朝廷每三年開科取士考官出題多
摺裂牽綴奉人作文亦少純實典雅比者浙江鄉
試春秋摺一十六服配作一題頭緒太多及所鑿
程文乃太簡畧而不純實且春秋為經屬詞比事
變例無窮考官出題徃徃棄經任傳甚至參以已
意名雖搭題實則躬稟遂使素抱實學者一時認
題與考官相左即被斥黜乞勅自後考官出題奉

子作文一惟明文是遵有弗悛者罪之

上善其言命禮部議行
乙巳廣東韶州府翁源縣
指徭搃全善清并廣西慶遠府南丹州土官知州
莫必勝等來朝貢馬及方物賜鈔幣有差
免山東濟南青州東昌三府所屬二十二州縣去年被
災田地夏稅一十一萬三千八百四十余石
降
四川按察司按察使王裕為廣西南寧府知府罷
山西布政司左叅議盧彬為民先是裕等俱坐事
落職以附石亨冒奪門功得陞秩至是亨敗故有
是命
夜金木星合于角宿
丙午福建建安縣

老人賀煬言四事一縣令之戢民生休戚所係即
今銓授多年老監生有近六十歲者其意豈不以
已逮滿九載年幾七十非惟高踰陞擢所不敢覲
抑且吏部勒令致仕有所不免曷若多索金銀為
子女計縱獲罪罷戩亦不失為富翁此所以貪酷
庸懦者衆廉能仁惠者少宜敕吏部今後縣令必
於進士奉人監生年力壯富者試有才能銓選及
令方面御史廉訪屈在下僚并山林隱士才德勝
任者薦奉一景泰間錄先賢顏孟程朱嬉長子孫
授以翰林博士俾奉祠祀然後有官而無俸祿其

於仕必有祿之義似為有欠宜各以本秩俸祿并
所應得隸卒一景泰間福建按察司僉事呂昌奏
准以忠肅公黃幹文簡公劉燾文正公蔡沈文忠
公真德秀四子配享朱文公之祠然告文中未附
四子配享之詞宜敕翰林院增入之一預備義倉
之設將以廣儲積而振貧民也奈何豪猾大戶徃
徃冒名代借連年拖欠以倖恩宥是致義倉空虛
有其名而無其實乞令出粟義民各疏里內飢民
姓名同委官開倉給放西成之日仍令催督還官
如此則豪戶免冒借之弊而義倉無空虛之患矣

上命禮部議行 丁未旌表孝子龐景華節婦奚氏
等一十二人景華應天府上元縣人蚤喪父事母
孝母久病痢景華嘗糞味甘哀號籲天乞以身代
母疾遂瘳隣弗戒于火景華抱母號呼所居左右
前後俱灼燼無餘獨母卧室三間無恙人咸以誠
孝所感旌其門曰孝行奚氏雲南大理衛中前所
千戶胡傑伯父濬妻夫亡年甫十七矢不他適時
傑父母俱沒奚憫其幼孤撫育長成罷戩雷氏陝
西鞏昌衛故指揮僉事董得男諒妻楊氏山東東
平州民徐二妻靳氏東平州民丁大妻葉氏江西

臨川縣民方希軾妻唐氏直隸上海縣民蔡倫妻
黃氏浙江定海縣生負郇誠妻王氏陝西文縣守
禦千戶所土民張鎮妻籍氏金州衛右所官舍杜
麟妻王氏寧遠縣民魏文興妻鄭氏河南溫縣民
孟景妻王氏直隸濬縣民路達妻俱年少喪夫育
孤有成守節無玷旌其門曰貞節 廣東潮陽縣
民郭吾山西太原府民栗仲仁代州民李斌各出
米四百石助官賑卹賜壘書旌勞復其家 夜有
流星大如盞色青白有光起天苑東南行至近濁
尾跡炸散一小星隨之 戊申直隸松江蘇州池

天曆三年九月

州寧國府廣西桂林平樂柳州梧州潯州南寧府
貴州宣慰司及貴都司各衛湖廣荊州德安府及
柳州各奏今年四月至七月不雨田苗旱傷事下
戶部察視之日未入時有星大如盞色青白有
光起東南方東南行至濁



大明英宗法天立道仁明誠敬昭文憲武至德廣孝
睿皇帝實錄卷之三百七

